

四庫全書

經部

# 欽定四庫全書

子部  
醫壘元戎卷五

詳校官太醫院八品吏目<sub>臣</sub>黃登

編修<sub>臣</sub>倉聖脈覆勘

總校官編修<sub>臣</sub>王燕緒

校對官修撰<sub>臣</sub>吳錫齡

謄錄監生<sub>臣</sub>王顯晉

欽定四庫全書

醫聖元戎卷五

元 王好古 撰

少陽證 先足經從湯液 次手經從雜例

海藏論男子婦人傷寒同一法

活人云婦人傷寒治法與男子不同舉男子調氣女子調血以為大略舉脉緊脉緩脉洪為傷寒傷風熱病為一證當汗當下不必調血而後行仲景不分男女

良以此歟此論固當猶為未也仲景亞聖也世醫所知仲景不知有是理乎聖人辨物賢者述之事可以為天下則聖人已先據之矣何待世人明之乎聖人不言以其男女同診也後人不知湯液之源故立為婦人法則異於男子常人所易聰明眼者肯以此為是乎然以藥考之則可知也假令桂枝芍藥固榮而閉衛非血藥如何麻黃防風雖為之發汗本治乳子餘疾非血藥如何白虎小柴胡中知母則治腎柴胡

則調經皆氣中之血藥也當歸地黃不言可知為血藥白朮人參皆以為氣劑本草言能利腰臍間血非血藥乎大抵用之在陽便是氣藥用之在陰便是血藥若男子與女人傷寒皆榮衛受病其證一也何必云男先調氣女先調血也此二句雲岐子以為治襍病法之常體非為傷寒設也其所以異者以其任衝盛而有子月事行有期有熱入血室一證不得不異也在妊孕不得不保在經血不得不調表裏汗下何

嘗有異也無汗下藥中增損自有調保之義活人云  
妊娠不用桂枝半夏桃仁柴胡湯減半夏為黃龍湯  
是則是矣必竟畜血極而隣於死須抵當湯九則安  
得不用也是減劑從輕可也故黃帝云重身毒之何  
如岐伯曰有故無損亦無損也大積大聚可輕犯也  
裏其大半乃生過者死此所以有從輕之義活人注  
中舉似其言甚當仲景不言男子婦人有異其意蓋  
由諸此以知桂枝半夏桃仁可用處必用不可全無

但當從輕則可以保安丸中有桂枝附牛膝皆墮胎之劑以其數多之中些少是亦從輕而無妨也又為引用必須少而不可無也大意如此後之君子更宜詳定保劑多破劑少破者從其保破劑多安劑少安者從其破此理不可不知 又寒熱多少例寒者多熱者少熱不為之熱熱者多寒者少寒不為之寒此婦人之病多在經血不調故婦人傷寒一條列少陽條下

仲景小柴胡湯

治往來寒熱胸脇痛而耳聾或欬或嘔尺寸脈俱浮而弦

柴胡

三兩

人參

半夏

黃芩

甘草

右以咀生薑棗煎本經加減七法 此方亦治瘧與

瘧病中外不相及 瘧病寒熱往來經水不調加秦

芫芍藥當歸知母地骨皮牡丹皮川芎白朮茯苓去

半夏 治婦人虛勞發熱加蛤蚧赤茯苓小柴胡湯



與四物湯各半一名調經湯 無汗嘔者加半夏亦可無汗者加柴胡 惡寒者加桂 有汗者加地骨皮嗽者加紫苑 通經加三稜廣茂勞者鱉甲

又小柴胡湯加法 若胸中煩不嘔者去半夏人參加

枳實二枚 若渴者去半夏加入參合前成四兩

半枳實根四兩 若腹中痛者去黃芩加芍藥三兩 若脇

下痞鞭者去大棗加牡蠣四兩 若心下悸小便不利去

黃芩加茯苓四兩 若不渴外有微熱去人參加桂三

兩溫覆取微汗愈 若嗽去人參大棗生薑加五味  
子半兩乾薑二兩 血弱氣虛腠理間邪氣因入與  
正氣相搏結於脇下正邪分爭往來寒熱發作有時  
默然不欲飲食臟腑相連其痛必下邪高痛下故使  
嘔也小柴胡湯主之

易簡小柴胡湯

治傷寒溫病身熱惡風頭項強胸滿脇痛煩渴嘔噦  
小便不利大便秘鞭或過經未解潮熱不除非汗非

下之證並宜服之及產後勞復發熱頭疼往來寒熱  
婦人傷寒經水適來適斷發熱發寒晝則明了夜則  
譫語此為熱入血室則血必結故使寒熱如癰狀此  
藥主之小兒溫熱悉能療

柴胡

二兩

半夏

黃芩

人參

甘草

各二兩

右咬咀每服五錢水鍾半生薑五片棗一枚煎至六  
分去滓食前服 若腹痛去黃芩加芍藥半兩心悸  
去黃芩加茯苓一兩 若不渴外有熱者去人參加

桂三分溫服令有汗則解 若咳嗽去棗加五味子  
三分乾薑半兩 胸中煩而嘔者去半夏人參加枳  
薑實半兩 渴者去半夏加枳薑根一兩胸中痞鞭  
者加煨了牡蠣一兩傷寒十三日不解胸脇滿而嘔  
者晡則發熱已微利醫以丸藥利之非其治也宜加  
芒硝一兩 傷寒十餘日結熱在裏往來寒熱或心  
下急鬱鬱微煩或口生白胎大便不通或發熱汗出  
或胸中滿痛或日晡發熱如瘧或六七日目中不了

了哺不飢無裏證大便難身發熱者實也去人參加枳實大黃一兩名大柴胡湯服之以利為度熱除不宜遽用補藥仍忌羊肉腰子酒并難化之物或有所傷是名食復難以治療切宜忌之

逍遙散

主治修製並見局方

柴胡

二兩

當歸

芍藥

白朮

茯苓

薄荷

少許

甘草

各半兩

右以咀生薑煎服

丹溪云治婦人大人小兒男女

同法

易簡逍遙散

治血虛勞倦五心煩熱肢體疼痛頭目昏重心忪頰赤口燥咽乾發熱盜汗減食嗜卧及血熱相搏月水不調臍腹脹痛寒熱如瘧又療室女榮衛不和痰嗽潮熱肌體羸瘦漸成骨蒸

白茯苓 白朮 當歸 白芍藥 柴胡

各一兩

甘草

半兩

右呔咀每服四錢水一鍾煨生薑一塊切片煎至六  
分去滓熱服無時 一方名人飲治婦人血熱虛勞  
骨蒸兼治邪熱客於經絡肌熱痰嗽五心煩躁頭目  
昏疼夜多盜汗補正氣解勞倦用人參白朮茯苓柴  
胡半夏當歸赤芍藥乾葛甘草黃芩各等分呔咀每  
服四錢水鍾半生薑四片棗二枚煎至六分不拘時  
候應有勞熱證者皆可服之熱退即止但婦人寒熱  
亦因有經血結閉者致令五心煩熱及骨節間熱或

作虛勞治之反以為害積日既久乃成真病法當行  
其經血若月事以時自然平治或以局方大聖散用  
紅花煎酒調服不能飲者以醋代之仍以紅丸子醋  
湯嚥下此二藥大治經事不調或腹有血塊若久無  
子息服之數月其效特異非可數服責其無功或  
因下血過多發為寒熱當用當歸地黃之類如大建  
中藥令養勞雙和輩是也然有痰飲停積之人則  
難用此蓋當歸地黃與痰飲不得其宜反傷胃氣因



是不進飲食遂成真病至於不救者多矣 痰飲中  
積致生寒熱者宜以二陳湯參蘇飲等藥療之應手  
有效 更或有服退熱冷藥太過因而咳嗽下利發  
熱自汗皆不可用之惟真武湯增損名固陽湯仍以  
震靈丹服之病輕者可療重者當別求治法

錢氏地骨皮散

秦艽 鱉甲 柴胡 甘草湯

秦艽 青蒿 烏梅 甘草湯

文潞公藥準注李琬方

柴胡 連翹 山梔子 防風 甘草

活人連翹梔子防風甘草湯 連翹飲子

四順飲子 一名清涼飲子 治夜則在血熱而不厥

加荊芥 白朮 麻黃 為洗心散

守真柴胡飲子 便鞭氣血各半 柴胡煮散

錢氏黍粘子荊芥防風甘草湯

局方消毒散 減防風餘三味

古卿舉拜散

治婦人產後傷寒  
風痙角弓反張

柴胡桂枝湯小柴胡加桂枝芍藥是也

柴胡桂枝乾薑湯

柴胡 黃芩 甘草 枳實根 桂枝 乾薑

牡蠣

柴胡龍骨牡蠣湯小柴胡去甘草加鉉丹桂枝龍骨牡

蠣茯苓大黃

小柴胡加芒硝湯

治十三日過經不解大抵須看少陽不退而臟結宜  
用小柴胡加桂湯治瘧疾兼便結

大柴胡湯

主治數條並見本  
經并活人藥證

柴胡 黃芩 半夏 生薑 大棗 芍藥

枳實 大黃

活人舉伊尹湯液大柴胡湯八味今監本無黃芩脫落  
之也

潔古老人云治表證仍在裏證已急不如此不可用小

柴胡去參草加枳實大黃如緩治不減人參甘草

深師黃芩湯

治傷寒六七日發汗不解嘔逆下利小便不利胸脇痞滿微熱而煩

柴胡

八錢

半夏

八錢

茯苓

四錢

桂心

三錢

黃芩

三錢

右呖咀生薑水煎服之

易簡參蘇飲

治感冒發熱頭疼或因痰飲凝積發而為熱並宜服

之若感冒發熱亦如服養胃湯法以被蓋卧連進數服微汗即愈尚有餘熱更宜徐徐飲食服之自然平治因痰飲發熱但連日頻進數服以熱退為期不可豫止雖有前胡乾葛但能解肌耳既以枳殼橘紅輩自能寬中快膈不至傷脾兼大治中脘痞悶嘔逆惡心開胃進食無以踰此毋以性涼為疑一切發熱皆能作效不必拘其所因也小兒室女尤宜服耳

前胡

加三分

橘紅

紫蘇

乾葛

半夏

茯苓

枳殼 陳皮 甘草 桔梗

木香

各半兩

右咬咀每服四錢水一鍾半生薑七片棗一枚煎至六分去滓不拘時候服素有痰飲者俟熱退以二陳湯或六君子湯間服 本方治痰飲停積中脘閉塞眩暈嘈煩忪悸嘔逆及痰氣中人停留關節手脚痺曳口眼喎斜半身不遂食已即嘔頭疼發熱狀如傷寒者悉主之一方用此藥三兩加四物二兩合和名

茯苓補心湯大治男子婦人虛勞發熱或五心煩熱  
並治吐血衄血便血并婦人下血過多致虛熱者並得  
其宜 亦有用心過度發熱者用之亦有神效往來  
寒熱尤宜治之

易簡溫膽湯

治大病後虛煩不得睡兼治心膽虛怯觸事易驚或  
夢寐不祥或異象眩惑遂致心驚膽懾氣鬱生涎涎  
與氣搏變生諸證短氣悸之或復自汗或四肢浮腫



飲食無味心虛煩悶坐卧不安悉能主之

半夏

兩一

枳實

兩二

橘紅

兩二半

甘草

錢四半

茯苓

錢三

右㕮咀每服四錢水一鍾半生薑七片棗一枚竹茹一塊如錢大煎至六分去滓食前熱服竹茹即刮竹青也大治傷寒後虛煩若傷寒後尚有餘熱并熱在上焦兼汗下後表裏俱虛不可攻者宜用人參竹葉湯下利者於竹葉湯中去石膏加熟附名既濟湯

嘔者二陳湯一法治傷寒壞證時或發熱消渴煩躁用新羅參不拘多少煎湯浸冷水令候盛渴之時與之頓服熱則隨去矣大抵傷寒渴者不可多與水水多積胸中便為結胸矣然亦濡沫之可也傷寒之後有吃逆者此證最危其他證有此亦然當用半夏一兩生薑半兩白水煎服一方用丁香十粒柿蒂十五枚煎湯半鍾乘熱頓服無時

易簡降氣湯

治虛陽上攻氣滯不快上盛下虛隔塞痰實咽乾不利咳嗽中滿喘急氣麓臍腹膨脹滿悶虛煩微渴引飲頭目昏眩腰痛脚氣四肢倦怠此藥專治脚氣上攻中滿喘急下元虛冷服補藥不差者立效

前胡

厚朴

甘草

當歸

各一兩

肉桂

三兩

陳皮

三兩

半夏

五兩

右咬咀七味并紫蘇子五兩緣難得真者不若用紫蘇如前胡之數代之共為八味每服四錢水一鍾半

生薑五片棗一枚煎至七分去粗食後服 凡人中  
風中氣腫滿及腳氣等患多是虛氣上攻胸膈不快  
不進飲食此藥大能降氣真俞山人降氣湯後加參  
附五加大腹皮之類却非其真 若素腳氣只是上  
氣喘急不得卧者宜用橘皮紫蘇人參五味子桔梗  
各等分名神秘湯甚者用此調鍾乳粉下養正丹  
腳氣入腹大便秘不任冷藥者宜用養正丹以溫利  
之一方以八味丸加川芎細辛桔梗茯苓共十二

味名大降氣湯治法一同若導年人虛氣上壅當間  
以生附加生薑煎臨熟磨以沉香服之尤為穩當

許學士地黃丸

北方當在大薯丸後

生薑

二兩

秦艽

黃芩

各半兩

柴胡

半兩

赤芍藥

半兩

右細末蜜為丸烏梅湯下三十丸無時日二服學士  
云褚澄治寡婦僧尼室女別得其法診其脉左手關  
獨出寸口過魚際乃知女子思男而不可得也 或

云寡婦師尼不可言僧字然要當以經證之二陽病  
發心脾不得隱曲故女子不月此一條本為女子而  
言王註內復云男子少精是經言女而註言男皆勞  
也言僧一字亦兼男之義 倉公傳濟北王侍人女  
病腰膝疼熱倉公曰病得之欲男不可得何以知之  
診其脉弦出寸口是知之婦人以血為本血盛所以  
思男也 褚澄云僧尼則異妻妾學士改僧字為師  
字甚當經云女子不月條下王註云男子少精兼之

意也又知僧字兼男之義 易老云仲景治婦人經  
不調盡在小柴胡調治條下以此推之

活人梔子烏梅甘草黃芩柴胡湯

治懊懷煩躁不得眠石五味麤末生薑水煎加竹葉  
鹽豉三十粒

仲景治少陰心悸不致水火調其中而治本也仲景云  
少陰證四逆條下言或咳嗽或悸或自便是假令一  
證並不是上下一條通為一證也或悸而反舉之言

姑以四逆散主之若果四逆必不用於此也何以然  
下文云悸者加桂腹痛不利者加附子即知雲岐子  
於此正條內去或悸二字并散便用四逆湯下所主  
甚當

金匱大薯蕷丸

治虛勞諸不足  
風氣百病

薯蕷

分三十

當歸

分十

桂枝

分十

麴

分十

乾地黄

分十

大豆黃卷

分十

甘草

分二十  
炙

人參

分七

芍藥

分六

芍藥

分六



白朮

六分

麥門冬

六分  
去心

柴胡

五分

茯苓

五分

乾薑

三分

阿膠

七分  
蛤粉  
炒成珠

杏仁

六分  
去皮  
炒

白欬

二分

桔梗

五分

防風

六分

大棗

百枚  
為膏

右二十一味細末煉蜜丸彈子大空心酒下一丸一

百九劑

外臺秘要仲景病源小品方

太陽病過經十餘日及二三下之後四五日柴胡湯

證仍在者先與小柴胡嘔不止心下急

一云嘔不安

桂枝湯

微煩者為未解也可與大柴胡湯下之即愈

柴胡

半斤

黃芩

三兩

芍藥

三兩

半夏

半斤湯洗

大棗

二十箇擘破

生薑

五兩

枳實

四箇炙

右七味切以水一斗二升煮取六升去滓更煎取三

升溫服一升日服一方加大黃二兩今不加大黃恐

不名為大柴胡湯也忌羊肉湯兼治天行千金翼

肘後同 海藏云正經嘔家雖多陽明證不可下大

柴胡主治但言嘔不止心下急大柴胡湯下之不可  
疑也及點示正方即內無大黃却與本條相合 注  
中小字亦作嘔止小安仍未解者即宜大黃也故注  
後有加大黃一句若全用有大黃却是易老法治表  
證仍在裏證已急者也古人用藥其精妙如此

龍腦雞蘇丸

增損此之御  
藥院尤妙

除勞解熱下氣散鬱去肺熱咳血心熱驚悸脾胸熱  
口甘吐血肝膽熱氣出口苦腎熱神志不定上而酒

毒膈熱消渴下而血痢五淋血崩此藥清神爽氣潤肺  
開心益志滋肝補腎令人身強體輕耳目聰明又能  
利膈化熱痰去膀胱中積熱三焦永無滯塞

雞蘇葉

龍腦薄荷是也

黃耆

二兩

麥門冬

去心四兩

甘草

一兩半

黃連

一兩

乾地黄

六兩為末

人參

二兩

木通

二兩

新蒲黃

二兩

阿膠

炒焦二兩

柴胡

銀州鼠尾紅色者二兩剉同木通沸湯半升浸一日

夜絞  
取汁

右為細末用西路好蜜二斤餘先煉一二沸然後下  
生地黃末不住手攪時時入絞下者木通柴胡汁慢  
火熬成膏勿令火紫焦了然後將其餘藥末和凡如  
豌豆大每服二十丸白湯下 虛勞煩熱梔子湯下

肺熱黃芩湯下 心熱悸動恍惚人參湯下 唾

咯吐血去心麥門冬湯下 脾胃熱赤芍藥生甘

草湯下 肝熱防風湯下 腎熱黃柏湯下以上諸

證並食後臨卧下 治五淋及婦人血崩漏下車前子

湯下 莖中痛蒲黃滑石各一錢溫水調下 室女  
虛勞寒熱潮作煎柴胡人參湯下 痰嗽者生薑湯  
下氣逆者橘皮湯下

黃耆膏子煎丸

人參

半一兩

白朮

半一兩

白芷

錢五

柴胡

揀淨一兩

黃芩

兩一

甘草

錢五炙

鼈甲

一箇半手大者醋炙

右細末黃耆膏子丸如桐子大每服三十丸至五十

丸百沸湯空心食前下 黃耆半斤麤末水二斗熬

至一斗去滓再熬不住手攪成膏至半斤入白蜜一兩再熬令蜜餳熟得膏子十兩放冷丸藥此為夏劑冬約量用之

地骨皮枳殼散

治骨蒸熱肌肉消瘦力少困夜多盜汗

地骨皮 秦艽 柴胡 枳殼 知母 當歸

鼈甲

醋炙黃

右等分為末水一鍾桃柳枝頭各七箇薑三片烏梅

一箇每服三錢煎至七分去滓溫服空心臨卧

黃龍湯

治產前  
後寒熱

小柴胡去半夏加芍藥是也 一法以四物湯加蒲

黃亦名黃龍湯

柴胡鼈甲散

大便秘者柴胡鼈甲散 大便秘者半氣半血逍遙

散

柴胡 知母 貝母 地骨皮 鼈甲

醋炙  
黃



右細末蒿心七葉烏梅三箇同煎

王氏秦艽散

秦艽

半一兩

柴胡

二兩

知母

一兩

鼈甲

醋炙一兩半

甘草

炙一兩

右㕮咀棗煎服

局方秦艽鼈甲散

局方沉香鼈甲散

局方人參荊芥散

已上三方主治  
修製並見局方

孫用和小柴胡治瘧疫久瘥面黃肌瘦不以月日淺深  
悉皆治之 心胸痞不思飲食加陳皮渴者加括蕒  
根喘者加杏仁便秘加大黃脅痞鞭者加牡蠣三五  
劑去陳皮 去半夏加人參括蕒根名曰黃龍湯 虛  
煩熱竹葉湯此溫熱證與濕熱證與傷寒稍別 療  
傷寒一桂枝二麻黃三青龍四白虎五柴胡精當不  
差立時見效不必須候轉泄其間變壞悔之晚矣  
如色脉交亂須辨明白無疑 陽盛熱多則白虎竹

葉陰盛寒濕則四逆理中以此思之又豈有二百九十七法耶 雲岐子論正法與此同意 王朝奉舉杜士云凡春夏宜發汗秋冬不宜汗秋冬傷寒只用小柴胡頓服自愈無汗亦愈若未便傷寒疑是風氣痰壅等皆治之若渾身痛小柴胡加桂尤妙也

### 生犀散

治小兒骨蒸日晚潮熱夜間盜汗能飲食無肌肉病後餘毒傷寒後服熱物發熱不除及食羊肉物

羚羊角 地骨皮 秦艽 枳殼 大黃

麥門冬 赤芍藥 茯苓 柴胡 人參

桑白皮 黃耆

鼈甲

醋炙黃色  
各等分

右咬咀青蒿水煎去滓溫服

活人妊婦傷寒加減例

妊婦傷寒仲景無治法非無治法也以其有岐伯有  
故無損可犯哀其大半一條更不必云謂紛紛也所  
以不言明者當識謂如瘧濕暍一篇無藥仲景豈無

治法而知藥哉恐後人有所遺耳 活人治婦人傷  
寒妊娠服藥予謹考而詳之無論有胎無胎產前產  
後主治藥味皆不出古聖人意計云俗方可采者與  
其間參用則知其間亦有達古人意者何必云以法  
考之疑非古方也 發熱惡寒不離桂枝芍藥 往  
來寒熱不離柴胡前胡 大渴不離知母石膏五味  
子麥門冬 大便澀者不離桂枝白朮附乾薑 大  
便結不離大黃黃芩 經水適來適斷者不離小柴胡

安胎不離人參阿膠白朮黃芩 發汗不離豆豉  
生薑麻黃旋覆花 頭疼不離前胡石膏梔子 傷  
暑頭痛不離柴胡石膏甘草 滿悶不離枳實陳皮  
胎氣不安不離黃芩麥門冬人參 發斑變黑不  
離黃芩梔子升麻 觀此數條皆不出古人意豈可  
云仲景無治法不言婦人妊婦之的方也仲景一書  
婦人小兒兼之矣 活人論婦人傷寒但云仲景不  
言其意已足不可云仲景無治法以治之藥求之皆

仲景本意曷嘗出古人哉活人此言雖失亦急為後人不知湯液者言之也豈敢云仲景不知也活人之言失之過而不甚的當耳

不老丹例

不老丹

何首烏 蒼朮 桑椹

製如法

並見活人

局方何首烏蒼朮地黄煎

右地黄膏子煎與蒼朮煎合點服氣血全養無上神

藥也

不老丹歌

皇甫敬之作為德甫服此七十而無白髮

蒼朮四斤泔浸軟

竹刀刮皮切作片

一斤炒以四兩鹽

一斤椒炒黃色變

一斤各用酒醋浸

三味出之以日見

何首赤白各二斤

泔浸竹刮切來勻

棗豆五升同一甑

棗豆爛時曝乾成



地黃二升通搗細

槩汁和之如麵劑

置在盆中手按平

仍澆槩汁高三指

夜取月精晝日華

吸盡槩汁藥乃佳

其藥精乾靡作塊

亦用石臼搗無害

搗之細熟須細羅

煉蜜為丸桐子大

空心酒服一百丸

此是人間不老丹

又方

何首烏

一斤赤白相半

棗

一升入鍋內用河水煮了却以竹刀切開炒乾去核同用

牛膝

酒浸焙  
乾一兩

防風

用水洗浸  
去蘆二兩

右為細末石臼杵棗肉丸梧桐子大空心溫酒下五

十粒

又方

何首烏

斤一

牛膝

兩一

熟地黄

兩二

蒲黃

兩一

乾桑椹

兩二

右為細末蜜丸桐子大棗蜜各半丸亦得

逐風丹

治風痰通  
身疙瘩

地骨皮

一兩

何首烏

一斤

黑豆

三升河水煮乾

荊芥穗

四兩

甘草

四兩

右為細末酒調三錢或蜜丸彈子大細嚼一九茶酒任下

治瘰癧 瘤氣癭起結疔瘤潰癰

右用黑熟桑椹二升新布絞汁砂鍋內煎不犯鐵釜候成膏子沸湯點服

又治瘰癧經年久不瘥者以玄明粉末傅之日二次

消癭丸

治結核  
癭氣

連翹 梔子 桔梗 甘草 乾柿 防風

牡蠣 玄參 丹參 荊芥 續斷 鼠李

海藻 昆布 何首烏 白僵蠶 牛旁子

白頭翁

各等分

治瘤氣癭起

連翹 梔子 瞿麥 防風 乾柿 桔梗

甘草

各等分

右細末蜜丸桐子大服

五香連翹湯

治癰疽瘰癧風結腫氣惡瘡毒氣瘡氣入腹嘔逆惡  
心並皆治之

木香 沉香 獨活 升麻 甘草 麝香半兩

連翹 乾葛 大黃各二兩 桑寄生 淡竹茹

薰陸香二兩 雞心香

右㕮咀煎成入茹

治癭鷺鷥丸

海燕 海帶 海蛤 木通 青皮 昆布

訶子

去核

連翹

各等分

海蠶沙

款冬花

右細末煉蜜丸雞頭子大每服一丸臨卧噙化津嚥下

孫尚藥方 治小兒盜汗潮熱往來

南蕃胡黃連 柴胡

各等分

右細末煉蜜丸雞頭子大每服二丸至三五丸置石

銚子內用酒少許化開更入水五分重湯煮三三十來沸放溫食後和滓服

治傷寒勞復身熱大小便赤血色者

胡黃連

一兩

山梔子

一兩  
去殼

右件和炒微焦二味為細末用猪膽汁和丸桐子大每服生薑三片烏梅一箇童子小便三合浸半日去粗食後煖小便令溫送下十九臨卧再服妙

青蒿散 治骨蒸便軟渴者

青蒿 烏梅 秦艽 甘草

各等分

右㕮咀同小麥煎服

金匱要略瘧病脉證并治證三條方六首

師曰瘧脉自弦弦數者多熱弦遲者多寒弦小急者下  
之差弦遲者可溫之弦緊者可發汗針灸也浮大可  
吐之弦數者風疾也以飲食消息吐之 問曰瘧以  
月以日發當以十五日愈設若不差當月盡解也如  
其不差當云何 師曰此結為癥瘕名曰瘧母急治之



宜鼈甲煎丸

鼈甲煎丸

鼈甲

十三分炙

烏犀

二分燒

黃芩

三分

柴胡

六分

石葦

二分去毛

厚朴

三分

瞿麥

二分

紫葳

二分

半夏

一分泡

人參

一分

牡丹皮

五分

蜜蟲

五分熬

阿膠

三分炙

蜂窠

四分熬

芒硝

十二分

蜣螂

六分炙

大黃

三分

芍藥

五分

桂枝

三分去皮

葶藶

二分熬

桃仁

三分去尖熬焦

鼠

一分

右二十二味為末取鍛竈下灰一斗清酒一斛五斗  
浸灰候酒盡一半着鼈甲於中煮取泛汎如膠漆絞  
取汁內諸藥煎為丸如桐子大空心服七九日三服  
師曰陰氣孤絕陽氣獨發則熱而少氣煩滿手足熱而  
欲嘔名曰痺瘧若但熱不寒者邪氣內藏於心外舍  
分肉之間令人消鑠肌肉溫瘧者其脉和平身無寒  
但熱骨節煩疼時嘔宜用

白虎加桂枝湯主之

知母

六兩

甘草

炙二兩

石膏

碎一斤

桂枝

三兩

粳米

六合

右五味㕮咀以水一斗二升煮米熟去滓煎至三升  
溫服一升日三汗出愈

蜀漆散

治瘧多寒者  
名曰壯瘧

右杵為細末未發前以漿水服三錢 溫瘧加蜀漆

半分臨發時服一錢匕 一方雲母作雲實

牡蠣湯

治壯瘧

牡蠣

四兩 熬

麻黃

四兩 去節

甘草

二兩 炙

蜀漆

洗去蘆 二兩

右呔咀以水八升先煮蜀漆麻黃去上沫得六升內

諸藥取二升去粗溫服一升吐則勿更服

見外臺

小柴胡去半夏加栝蒌湯

見外臺經心錄治勞瘵

柴胡

八兩

黃芩

炙二兩

生薑

三兩 切片

大棗

十二枚

人參

栝蒌根

四兩

右六味呔咀以水一斗二升煮取六升去粗再煎取

三升日三服

柴胡桂薑湯

治寒多微有熱或但寒不熱服一劑如神故錄之

柴胡

八兩

桂枝

三兩 去皮

黃芩

三兩

牡蠣

二兩 熬

甘草

炙 二兩

乾薑

二兩

右七味咬咀以水一斗二升煮取六升去粗再煎取

三升溫服一升日三初煩汗出愈

出傷寒論

九轉靈砂丹

治瘡

紫河車

一錢八研細和前後二味

鉛一錢

信一錢

右用雄黑豆一百粒水浸一宿去皮透時研如泥和三味勻末九桐子大菴豆大黍粒大三等量虛實老幼大小服之每服一二丸或三丸臨晨日未出東面無根水下不發日服經曰當其盛必毀因其衰也是必大昌此之謂也

又方治瘡久不愈

右用蒜不以多少杵和鉛丹九雞頭大每服一九臨

晨面東新水下

海藏瘧論

暑之為病以瘧舍於榮衛之間得秋之風寒所傷而後發亦有非暑感風寒而得之邪并於陽則發熱水不能涼邪并於陰則發寒湯火不能溫并則病作離則病止故有時而休在氣則發之早在血則發之晏淺則日作深則間之或在頭項或在背中或在腰脊雖上下遠近之不同在太陽則一也或在四肢者

風搖之所及隨所傷而作不必盡當風火也先寒而後熱者為之寒瘧先熱後寒者為之溫瘧二者不當治水火當從乎中治中治者少陽也渴者燥鹹也不渴者濕勝也瘧雖傷暑遇秋而發其不應者秋病寒甚太陽多也冬病寒不甚陽下爭也春病則惡風夏病則多汗二者手少陽虛也其病隨四時而作異形如此又有得之於寒而發之於暑邪舍於腎足少陰也有藏於心居之於內熱索於肺少陰也至於少氣煩冤



首足熱而不寒為之瘴瘧足陽明也治之奈何當其  
盛而必毀因其衰也是必大昌矣治法易老瘴論備  
矣

問曰婦人經痛大人小兒內熱潮作并瘴寒熱其法同  
否帝又問曰病中外何如岐伯曰從內之外者調其  
內若盛於外者先治內而後治外此言表裏而出之  
異也又云中外不相及則治主病中外不相及者半  
表裏也自外而入者有之自內而出者亦有之外入

內出雖異也在半表裏則一矣此從外之內者治其  
內若盛於內者先治外而後治內中外不相及為少  
陽也治主病者治少陽也帝問大熱之病惡寒發熱  
如瘧或發一日或發間日岐伯對曰以勝復之氣會  
遇之時有多有少陰多陽少其發日遠陽多陰少其  
發日近此勝復相搏盛衰之節瘧亦同法瘧者少陽  
也少陽者東方之氣也逆之則發寒順行則發熱故  
分之氣異往來之不定也婦人經水適來適斷病作

少陽治之傷寒雜病一體經云身有娠而有脉邪經  
閉也又云月事不來者胞脉閉也經閉者赤中不至  
胞閉者生化絕源二者皆血病厥陰主之厥陰病則  
少陽病矣累及其夫也小兒外感內傷若有潮作寒  
熱等證並同少陽治之男女同 已上男子婦人小  
兒閨女或實或大熱或虛變成勞脉有浮中沉之不  
同故藥有表裏和之不一察其在氣在血定其行陰  
行陽使大小不失其宜輕重各得其所逆從緩急舉

無不當則可以萬全矣此少陽一治不可不知也

素問五藏瘕證湯液

肝瘕令人色蒼蒼然太息其狀若死者通脉四逆湯  
胃瘕令人病也善飢而不能食食而支滿腹大理中  
湯理中丸

心瘕令人煩心甚欲嘔清水及寒多不甚熱桂枝加  
黃芩湯

脾瘕令人寒腹中痛熱則腸中鳴鳴已汗出小建中

湯芍藥甘草湯

肺瘧令人心寒寒甚熱熱間苦驚如有見者桂枝加芍藥湯

腎瘧令人洒洒腰脊痛不能宛轉大便難目眴眴然手足寒桂枝加當歸芍藥湯

素問六經瘧候湯液

少陽令人身體解傷寒不甚熱不甚惡見人見人心惕然熱多汗出甚小柴胡湯

厥陰令人腰痛小腹滿小便不利如瘡狀非瘡也數  
便意恐懼氣不足腸中慁慁四物玄胡苦棟附子湯  
陽明令人先寒洒淅寒甚久乃熱熱去汗出喜日月  
火光氣乃快然桂枝二白虎一黃芩芍藥加桂湯  
太陰令人不樂好太息不嗜食多寒熱汗出病至則善  
嘔已乃衰小建中湯異功湯

太陽令人腰痛頭暈寒從背出先寒後熱煊煊暍暍  
然熱止汗出難已羌活生地黃湯小柴胡加桂湯

少陽令人悶嘔吐甚則寒熱多寒少欲閉戶牖而處其病難已小柴胡加半夏湯

小柴胡湯議論

小柴胡湯不汗不下不利小便故潔古名三奈湯也  
後人用六乙涼膈和解之不知何意涼膈氣中之下  
藥六乙則雜病膀胱中和小便藥也少陽證當陽明  
與太陰之間故云半表裏所以小柴胡不汗不下不  
利小便令六乙涼膈既利而復下之故有畜血心下

痞證豈可輕用為哉若以利下之劑為可用則古人麻黃承氣五苓合而用之也豈不有失古人之意其害非輕明者當識半在表乃身後之表半在裏非下之半在裏乃身前之裏則藥不至於差惑

舌胎滑例 王奉朝證治論臧結附

舌上胎滑此丹田有熱也脉陰陽俱緊者口中氣出唇口乾燥倦卧足冷鼻中涕出舌上胎滑勿妄語也到七八日以來微熱手足溫為欲解或八日以上皮



反大發熱者為難治設使惡寒者必欲嘔也可以柴  
胡去半夏加入參栝婁湯用小柴胡湯加減法 腹  
中痛者可理中丸 藏結如結胸狀飲食如故時時  
下利脉浮關脉小沉細紫名曰藏結舌上胎滑者難  
治可刺關元穴 藏結無陽證不往來寒熱一云寒  
而不熱其人反靜舌上胎滑者難治也可刺關元穴  
服小柴胡湯佳 陽明病脉浮而紫咽燥口苦腹滿  
而喘發熱汗出不惡寒反惡熱身重若下則胃中虛

客熱熏膈心中懊懣舌上胎滑者服小柴胡湯  
胃氣和汗出而解

三焦熱用藥大例

上焦熱

清神散 連翹防風湯 涼膈散 龍腦飲子  
犀角地黄湯

中焦熱

小承氣湯 調胃承氣湯 洗心散 四順清涼飲


桃仁承氣湯

下焦熱

大承氣湯 五苓散 立效散 八正散

石葦散 四物湯 抵當湯丸

海藏云此內熱之大略也有外熱者當求別法兼此  
例有輕重氣血之分用者當擇其可焉而已矣



醫聖元戎卷五

# 欽定四庫全書

子部

醫壘元戎卷六

詳校官太醫院八品吏目<sub>良</sub>黃發

編修<sub>臣</sub>倉聖脈覆勘

總校官編修<sub>臣</sub>王燕緒

校對官修撰<sub>臣</sub>吳錫齡

謄錄監生<sub>臣</sub>王顯晉

欽定四庫全書

醫壘元戎卷六

元 王好古 撰

三陽拾遺例

海藏通聖散評議

通聖散治禱病最佳治傷寒傷風有失其故何也防  
風麻黃葱豉汗也大黃芒硝下也梔子滑石利小便  
也經云發表攻裏本自不同故發表不遠熱攻裏不

遠寒仲景云當汗而反下之者逆也當下而反汗之者亦逆也又云桂枝下咽陽盛則斃承氣入胃陰盛乃亡既有汗藥而復有下藥發表攻裏合而並進有失古人用藥之本意兼日便不宜遽利若利之過則燥而畜血汗之不當則生黃下之不當則結胸若藥隨虛實而變上行則有汗多亡陽之證下行則有下多亡陰之証其害非輕可不慎歟在太定間此藥盛行於世而多效何哉當時雖市井之徒口腹備衣著

全心志樂而形不苦雖然用涼亦多效而少失如今  
之時乃變亂之餘壘鹽糟糠有所不克加以天地肅  
殺之運五十餘年改用涼藥如平康之世耶故多失  
而少效有如仲景用桂枝當漢之末也韓祗和解桂  
枝當宋之隆也其時世之異不可不知也兼犯藥三  
禁傷風不宜汗而汗之一也傷寒不宜下而下之二  
也小便不宜重利而利之三也若知此而不犯亦無  
生黃畜血結胸之證故餘有白朮神朮二湯以革世



醫之弊云耳

韓氏微旨論和解因時法

李思訓保命傷寒論亦出此書

傷寒病有可汗者論中但統言其汗証及可汗脉或云脉浮弱或云脉浮而數或云脉浮緊或云脉浮無汗而喘或云脉浮為在表今畧舉數條後人但憑其脉之大概並不分脉浮有陰陽虛盛之理又不分有可汗不可汗之趣誤投發表藥則多變成陽毒之患今舉病人有汗惡風無汗惡熱分為三等及據立春已後至

立秋已前氣候輕重各方治之庶學者易為開誤耳

病人二三日已前兩手脉浮數或緩或急緊按之差  
軟寸關尺若力齊等其力不甚大不甚小者亦未可  
便投解表藥此是見表證未見表脉也直候寸脉力  
小如關尺脉即可投表藥大抵治傷寒病見證不見  
脉未可投藥見脉不見證雖少投藥亦無害矣凡治  
雜病以色為先脉為後治傷寒以脉為先證為後病  
人兩手脉浮數而緊名曰傷寒者若關前寸脉力小

關後尺脉力大雖然不惡風不自汗出此乃陰氣已  
盛先見于脉也若不投藥和之後必惡風及自汗出  
若立春已後至清明以前宜調脉湯主之清明已後  
至芒種以前宜葛根柴胡湯主之芒種以後至立秋  
已前人參桔梗湯主之

調脉湯方

葛根

一斤

防風

去虛頭  
半兩

前胡

去苗  
三分

甘草

各半  
兩

右為粗末每服二錢水一鍾生薑一塊如小指大擘

破煎至七分去粗溫服如寸脉依前力小加棗三箇  
擘破同煎

葛根柴胡湯方

葛根

二兩半

柴胡

去苗洗二兩

芍藥

二分

桔梗

三分

甘草

炙三分

右咬咀每服二錢水一鍾生薑二片煎至七分去滓  
熱服如寸脉依前力小加葱白三寸同煎服

人參桔梗湯方

人參

三

桔梗

三

麻黃

去節  
一兩

石膏

三

甘草

炙三  
分

右咬咀每服二錢水一鍾荊芥五穗煎至七分去粗  
熱服如寸脉依前力小加麻黃二分去節同煎服  
病人兩手脉浮數而緩名曰中風若寸脉力小尺脉  
力大然不惡風不自汗出此乃陰氣已先見於脉若  
於授藥和之後必惡風自汗出若立春已後清明以  
前宜薄荷湯主之清明以後至芒種以前宜防風湯

主之芒種以後至立秋以前宜香薷湯主之

薄荷湯方

薄荷

一兩

葛根

半兩

人參

三分

甘草

炙三分

防風

去蘆半兩

右以咀每服三錢水一鍾煎至七分去粗熟服如三五服寸脉力尚小加薄荷三分

防風湯方

防風

去蘆一兩

桔梗

三分

甘草

炙半兩

旋覆花

半兩

厚朴

去麤皮炙塗生薑汁三分

右吹咀每服三錢水一鍾生薑一塊如指大擘破煎至七分去滓熟服如三五服如寸脉力尚小加荊芥五七穗同煎

香芎湯方

川芎

一分

石膏

二分

升麻

三分

甘草

炙半兩

厚朴

半兩薑汁炒

右吹咀每服三錢水一鍾煎至七分去粗溫服如三

五服後寸脉尚小加細辛二分

前二段又將中風與傷寒各立法者何蓋謂病人始得病三日以前或因中風脉緩或因傷寒脉緊然脉雖先見而病證猶未見尚可以藥解之故各立方耳

病人兩手脉浮數或緊或緩寸脉短反力小於關尺脉若此名陰盛陽虛也若自汗出惡風者是邪氣在表陰氣獨有餘也素問曰陰氣有餘為多汗身寒是也即可投消陰助陽發表藥治之若立春以後清明



以前宜六物麻黃湯主之清明以後至芒種以前宜  
七物柴胡湯主之芒種以後至立秋以前宜以發表  
湯主之

六物麻黃湯方

麻黃

去節  
一兩

葛根

三分

人參

半兩

甘草

炙半兩

蒼朮

去皮  
三分

右咬咀每服三錢水一鍾棗二枚煎至七分去滓熱  
服如三五服後汗未止猶惡風者加荊芥三分如三

五服後不惡風猶汗自出者加舶上丁香皮半兩

七物柴胡湯方

柴胡

去苗  
二兩

蒼朮

去黑皮  
一兩

荊芥穗

一兩

甘草

炙一兩

麻黃

去節  
一兩

右㕮咀每服二錢水一鍾生薑一塊如指大擘破棗二枚擘破同煎至七分去滓熱服如服三五服後汗未止猶惡風者入葱白三寸如三五服汗猶未止者加當歸一兩每服加棗三枚同煎服

發表湯方

麻黃

去節一兩五錢

蒼朮

去黑皮三兩

人參

半兩

當歸

去蘆頭半兩

甘草

炙五分

舶上丁香皮

三分

右咬咀每服三錢水一鍾入生薑一塊如指大擘破棗三枚擘破同煎至七分去滓熱服如三五服後汗未止猶惡風者加桂枝三分如汗未止更加細辛半兩以汗止為度病人脉浮數或緊或緩其脉上出魚際寸脉力大如關尺者此名陽盛陰虛也若發胃悶

口燥咽乾者乃是邪氣在表陽氣獨有餘也素問曰  
陽氣有餘為身熱無汗是也可投消陽助陰藥以解  
表若立春以後至清明以前宜人參湯主之清明已  
後至芒種以前宜前胡湯主之芒種已後至立秋以  
前宜石膏湯主之

人參湯方

人參

半兩

芍藥

三分

石膏

二兩

柴胡

去苗  
一兩

甘草

炙三分

右吹咀每服三錢水一鍾生薑一塊如指大擘破同煎至七分去滓熱服如三五服後依前熱未解每服入豉三十粒水一鍾同煎至八分去滓熱服

石膏湯方

石膏

三兩

芍藥

一兩

升麻

三分

黃芩

三兩

柴胡

去苗一兩

甘草

去紅皮炙一兩

右為末每服三錢水一鍾半入豉一合煎至八分去粗熱服如服三五服後熱未解加知母一兩又熱未

解加大青一兩病人兩手脉浮數或緊或緩三部俱有力無汗惡風者此是陰陽氣俱有餘素問曰陰陽有餘則無汗而寒是也可用藥平之若立春以後至清明以前宜解肌湯主之清明以後至芒種以前宜芍藥湯主之芒種以後至立秋以前宜知母湯主之

解肌湯方

石膏

二兩

麻黃

去節三分

升麻

半兩

甘草

炙半兩

右㕮咀每服三錢水一鍾半入豉半合煎至八分去

滓熱服如三五服後猶惡風者加麻黃半兩石膏一

兩

芍藥湯方

芍藥

一兩

石膏

三兩

荊芥

一兩

甘草

炙半兩

右咬咀每服三錢水一鍾入薑一塊如指大擘破同煎至七分去滓熱服如三五服後猶惡風每服加生薑一塊如指大擘破同煎

知母湯方

知母

石膏

麻黃

去節

升麻

各一兩

甘草

炙半兩

右咬咀每服三錢水一鍾入生薑一塊如指大擘破  
同煎至八分去滓溫服三五服後猶惡風加麻黃半  
兩升麻半兩

仲景云傷寒為病脉緩者名曰中風脉緊者名傷寒今  
分此二端者何也始因冬寒毒之氣中人其內伏之  
陽沉潛於骨髓之內每至春夏發時因外傷寒引內  
邪出或外傷風而引內邪出及乎內邪既出而為病



一也故古人立此二端恐後疑其緊脉與緩脉治法別也若中風與傷寒脉異何故仲景無別治之此乃後人不究仲景之心也

前三段又將中風與傷寒一法治者何蓋病人始得病後脉與證俱見若投解利藥必不得愈故立前方同法而治之

病人始得病一二日至五六日尚有表脉及表證者亦可以依脉證投藥丸解表及發表藥每日可飲三

服滿證甚可至五服外不可頻服藥也如證未解次日依前再投如証依前未解可作熱粥內加葱白亦可也汗出勿厚衣蓋覆恐出汗太過作亡陽證也傷于風者上先受之傷于濕者下先受之

海藏云韓氏微旨可汗一篇有和解因時發言傷寒之脉頭小尾大傷風之脉頭大尾小李思訓保命新書亦分寸尺與韓氏同之非若前人總言尺寸脉浮而緊尺寸脉俱浮而緩緊則為傷寒無汗緩則為傷風

自汗又有傷寒有汗者有傷風無汗者脉亦互差與證不同前人已盡之矣惟韓李所言頭小尾大即為傷寒尾小頭大即為傷風也人病間有脉證異于尺寸者故韓李述為和解因時發也又恐後人疑其不與聖合遂於本方藥又立加減數條亦不越前人之意何其當哉無二公者當宋之盛時故有戒桂枝麻黃不可輕用故用石膏麻黃葛根柴胡之平劑當時則非百世常行時世遷移之活法也可汗一篇若從

湯液隨證應用自有定規雖明哲不可踰 又寸口

脉小飲冷與霧露所傷同作中焦治之 韓李云傷

寒寸心者勿認與飲冷霧露同傷一體也飲冷霧露  
寸口舉按全無是陰氣在胃不和陽氣不能升越也  
傷寒寸口小者尺與關以下至膀胱本部見之寸口

雖小只是舉之微小沉得有也非若飲冷舉按全無  
也若果寸口舉按全無即不可解則只宜溫中不可  
不知

韓氏十四藥定經

調脉湯

陽明少陽也

葛根柴胡湯

陽明少陽也

人參桔梗湯

太陽陽明也

薄荷湯

陽明也

防風湯

陽明也

香芎散

陽明也

六物麻黃湯

太陽陽明也

七物柴胡湯

太陽少陽也

發表湯

太陽也

人參湯

陽明少陽也

石膏湯

陽明少陽也

解肌湯

太陽陽明也

芍藥湯

太陽陽明也

知母湯

太陽陽明也

右韓氏十四藥以經絡求之各有部分輕重緩急自

有所宜運氣加臨各極其當因而在其中矣不必分至之遠近寒暑之盛衰而謂之因時也

仲景瓜蒂散例

仲景瓜蒂散

病人桂枝證頭不痛項不强寸脉微浮胸中痞鞭氣上衝咽喉不能太息者此為胸中有寒也當吐之宜瓜蒂散

瓜蒂

赤小豆

各等分

右為細末每服一錢匕豉一合湯七合先漬之須臾  
煮作稀粥去粗調散溫服頓服不吐少少加之得快  
吐乃止諸亡血虛家不可用此

宋氏仲景鈐法噤藥瓜蒂散

瓜蒂

十四箇

丁香

一箇

黍米

十四粒

右細末噙水取一字噤鼻下黃涎

治偏正頭痛久不愈服諸藥及針刺莫能效者以其濕

氣在頭也一味細末

一味者瓜蒂也

少許噤之鼻中清水徐



徐出一晝夜濕盡痛止為度此亦吐之意也經云濕氣在上以苦吐之故邪在胸中者服之邪在頭目者噓之皆吐之屬也張子和云點目出淚噓鼻漉涕口食漉涎皆有以同乎吐也

又濕在胸中故發頭痛瓜蒂末一錢赤小豆末半錢米湯調下吐之或醋漿亦得濕氣在頭者此藥亦能吐之然莫若噓之為愈也

瓜蒂散治傷寒三四日者或覺心滿堅硬脚手心但

熱變黃不治而欲死者宜瓜蒂為細末每用一字吹  
鼻中令黃水出餘殘末用水調飲之得嘔黃水一二  
升乃愈

小兒久患風癇纏喉風痺及大人風涎潮熱發不省酒  
積食勞黃疸脾濕腫滿勞熱上喘肌熱咳嗽中滿眩  
暈膈實痰飲痰厥頭痛一切胸上病患脉沉實按之  
有力者並約量劑料輕重多少服之以上瓜蒂吐不  
止用麝香湯解之

勝金丸

薄荷

半斤

瓜蒂末

半斤

藜蘆末

一两

朱砂

半兩

猪牙皂

二兩

右牙皂搥碎水一升與薄荷一處揉取汁熬成膏子  
別將藜蘆瓜蒂硃砂研勻用膏子和龍眼大以餘硃  
砂為衣溫酒化下一丸以吐為度得吐而省人事者  
愈不省則不可救也或者謂中氣風無吐法下金虎  
碧霞以為戒且如卒暴痰生聲如拽鋸牙關不開湯

藥不能入其命須臾若此無吐法其誤人之旨深矣  
瓜蒂散

治痰飲酒積食勞留飲停滯或寒結胸中熱鬱所化  
并宜用之

瓜蒂

七十箇

赤小豆

七十箇

人參

去蘆五分

甘草

生用作二錢半

右細末每服一二錢量虛實加減酒調空心辰刻飲  
之

三聖丸散

防風

三兩

瓜蒂

三兩

藜蘆

一兩或半兩

右粗末每用三錢以藿汁一大盞煎至七分去滓溫服飲探引令吐為度宜靜室煖不透風處用吐至以好醋葱湯解之

古今吐法不一在胸中者或噎之在頭者或吐之何也答曰頭為天之天肺為天之地鼻為肺之竅胸為肺之腑總而言之則皆心君之上無形之神至高之

分故用之錯而效之同也

衍義云瓜蒂即甜瓜蒂也瓜蒂成熟自落其蒂在蔓莖上採得曝乾不以多少為細末量病輕重每服一二錢匕膩粉一錢匕以水半合用調勻灌之

治風涎暴作氣塞倒仆服之良久涎自出或服藥良久涎不出含砂糖一塊下咽則涎出此物甚不損人全不勝石礪硃砂等

食療云瓜蒂王身面四肢浮腫殺蟲去鼻中息肉陰黃

黃疸及暴急黃 瓜蒂丁香各七枚小豆為末吹黑  
豆許于鼻少時黃水出差

張文仲治傷寒熱病瘴瘧及胸中惡痰飲須可吐者鹽  
末一大匙以生熟湯調下須臾即吐吐不快者宜更  
服甚良又曰近效方與備急方用

經驗方治遍身如金色黃

瓜蒂

四十九箇六月  
六日收者佳

丁香

四十  
九箇

右二味用乾鍋子內燒烟盡為度細碾末大人一字

小兒半字吹鼻內及擦牙立效

外臺肘後方

療傷寒汗出不渴三四日胸中惡欲吐者

豉

三斤以  
綿裹之

鹽

一兩

右末味以水七升煮取二升半去滓內蜜一升又煮  
二服頓服二升安卧當吐不吐再服

又方

苦參

二分

甘草

一分半

瓜蒂

二十枚

赤豆

二十枚



右四味加水一升煮取半升作一服服之當吐不止者作蔥豉粥解之必止忌海藻松菜

又方

苦參

二兩

黃芩

二兩

生地黄

半斤

右三味切以水八升煎取二升服一升或吐下毒物

忌蕪荑

仲景治百合例

金匱祖方全

百合知母湯 百合滑石代赭石湯

百合雞子湯 百合地黃湯

又方

治傷寒腹中痛

百合一兩炒黃為末米飲調服

孫真人治陰毒傷寒

百合煮濃汁服之一升良

素問解休 仲景百合諸湯 活人說百合證

右仲景百諸湯名本草所言備矣後活人主治服餌

載之百問續者當知其祖

百合知母湯

治百合發汗後者

百合

七枚

知母

二兩

右先以水洗百合漬一宿當去白沫去其水更以泉水二升煮取一升去滓別以泉水二升煮知母取一升半分溫服

百合滑石代赭石湯

治百合病下之後者

百合

七兩

滑石

三兩

代赭石

如彈子大一塊碎綿裹

右先將百合如前法製後去滓別以泉水二升煮滑  
石代赭石取一升去滓後合和重煎取一升半分溫  
服

百合雞子湯

治百合吐  
之後者

百合

七箇

雞子

一箇取  
黃用

右先將百合如前法製後去粗內雞子黃攪令勻溫服

百合洗方

治百合彌月不  
解變成渴者

百合

一升

右水一斗漬一宿以洗身洗已食煮餅勿以鹽豉也

百合地黄湯

治百合病不經汗下吐病形如初者

百合

七箇

生地黃

取汁一升

右先以水洗百合漬一宿出白沫去更水其以泉水二升煮取一升去滓內地黃汁煮取一升分溫再服中病則止大便當如漆

百合滑石湯

治百合病變寒熱

百合

一斤

滑石

三兩

右細末米湯調服方寸匕若微利者止再服

百合括婁牡蠣湯

治百合病不差

百合括婁根牡蠣

已上各等分

右為散湯服方寸七日二三

海藏百合四君子湯

治老弱虛人不得眠

解脬尺脉緩濇尺為陰部腹腎主之緩為熱中濇為無熱而無血故解脬而不可名之然寒不寒熱不熱弱不弱壯不壯寧不可名為之解脬也惟百合一證與此比比相若

病源小品姜薤湯

療冬溫及春月中風傷寒則發熱頭眩疼咽喉乾舌強胸內疼心胸痞滿腰背強痞者結病也

姜薤

二兩

石膏

三分末綿裹

白薇

二兩

麻黃

二兩去節

獨活

二兩

芎藭

二兩

杏仁

二兩去尖

甘草

二兩

青木香

二兩無麝香一分代

右九味切以水八升煮取三升分三服若一寒一熱加朴硝一分及大黃三兩下之忌海藻松菜古方錄

驗同 一方有葛根二兩

千金療傷寒中風五六日以上但胸中煩乾嘔者宜括

萋實湯主之方祖金匱

括萋實

一兩

柴胡

半斤

黃芩

甘草

各二兩

生薑

四兩

大棗

十枚

右六味切勿令大碎吹去末以水一斗二升煮得六

升絞去滓更煎取三升溫服三日

千金翼五苓散

論云猪苓散此當在太陽五苓散條下



猪苓

分三

桂心

分二

澤瀉

分五

茯苓

分三

白朮

分三

右五味搗篩水服方寸七日三多飲煖汗出愈

甘草瀉心湯 傷寒中風醫反下之其人下利日數十

行水穀不化腹中雷鳴心下痞堅而嘔乾嘔心煩不

能得安醫見心下痞以為病未盡復重下之其痞益

甚此非結熱但以胸中虛客氣上逆故益堅甘草瀉

心湯主之

甘草

炙四兩

黃芩

三兩

大棗

十二枚

黃連

二兩

乾薑

炮一兩

半夏

洗去滑半斤

右六味切以水一斗煮取六升分六服一方有人參三兩

古今經驗療中風傷寒脉浮發熱往來汗出惡風頸強鼻鳴乾嘔陽旦湯主之方

大棗

十二枚破

桂心

三兩

芍藥

三兩

生薑

三兩

甘草

二兩

黃芩

二兩

右六味呖咀以泉水六升煮取四升分四服日三自  
汗者去桂心加附子一枚煩渴者去桂加栝蒌三兩  
利者去芍藥桂加乾薑三兩附子一枚炮心下悸者  
去芍藥加茯苓四兩虛勞裏急者正陽旦湯主之煎  
得二升內膠飴半升分為再服若脉浮緊者不可與  
也千金同

海藏十餘證脉并藥

傷風脉緊仲景大青龍湯主之 無汗惡風仲景葛

根湯主之已上二證傷風得傷寒脉傷寒得傷風脉是也易老斷為桂枝柴黃各半湯

中風傷寒萎蕤湯 中風寒陽旦湯

傷寒中風枯萸實湯

此先後所傷不同其中變證所苦各異故用藥雜非桂枝麻黃之正藥也

尺寸脉盛 重感于寒 變為溫瘧

陽脉浮滑 陰脉濡弱 更遇于風變為風濕

陽脉洪數

陰脉實大

更遇溫熱變為溫毒

陽脉濡弱

陰脉洪緊

更遇溫氣變為溫疫

中風傷寒

傷風見寒

中暑中濕

中暑飲冷

蓋因傷於寒邪又感異氣而變凡此數病皆重病也

海藏云已上十餘證前後所傷不同內外變證不一非

精於持診者不能別也

張文仲療傷寒白膏摩體中手當十遍藥力乃行並療  
惡瘡小兒頭瘡牛領馬鞍皆療之先以鹽湯洗惡瘡  
布拭之着膏上摩向火十遍日再自消

天雄

烏頭

炮

莽草

羊躑躅

各等分

右四味各切以苦酒湯三升清一宿作東向路竈又  
作十二聚濕吐各一升計成膏猪脂三斤着銅器中  
加竈上炊以葦薪為火令膏釋內所漬藥炊令沸下  
者着土聚盡遍藥成絞去滓傷寒頭痛酒服如杏核

一枚溫覆取汗咽痛含如棗核日三嚥之不可近目  
千金同

牙齒例

海藏云牙齒者足陽明經也手陽明經也足陽明之經  
走上牙中手陽明之經走下齒中牙齒者骨之餘也  
堅則令人強食或血出斷爛諸痛寒熱不一皆手足  
陽明也

陳希夷神仙刷牙藥白牙黑髮益精神

猪牙皂角及生薑

西國升麻蜀地黃

木律旱連槐夾子

細辛荷葉要同當

青鹽等分同燒煉

研熟將來用最良

擦牙牢齒烏鬚鬚

誰知世上有仙方

右用二兩並剉碎一新罐子盡盛其藥用瓦子蓋口  
以麻索子繫定上用鹽泥固濟約厚半寸許熬乾作  
一地坑子坑子方濶二尺深約七寸先放一方磚後  
安藥罐子以口向下坐用木炭一秤燒令透後清烟出



稍存性去火發一宿取出研為細末每蘸藥刷上下牙齒溫水嗽口吐之

麝香玉散

酸石榴皮

訶子

各一兩

升麻

綠礬

枯

猪牙皂灰

川芎

白芷

麝香

一錢

五倍子

石膽礬

各半

腦子

半錢

青黛

白檀

二錢

零陵香

木鼈子

各一錢

一

百藥煎

青鹽

細辛

荷葉灰

白茯苓

一兩

藿香葉

沒石子

各一兩半

好草撥

右細末用藥後茶清嗽之又方無腦子加麝香三錢

犀角升麻湯

治陽明受風熱口唇煩連鬚腫痛鼻額連頭痛

犀角

七錢半

升麻

五錢

防風

三錢半

羌活

三錢一字

川芎

三錢半

白附子

白芷

二錢半

黃芩

二錢半

生甘草

二錢半

右呖咀作一服水五錢煎至三錢去滓分三服

梧桐淚散

治陽明經虛風熱所襲流傳牙齒攻斷肉則致腫結妨悶甚者為斷間津液相搏化為濃汁宜用此藥

梧桐淚

石膽礬

細辛根

亂髮灰

一錢一字

黃礬

五錢

蘆會

五錢

麝香

一錢

升麻

五錢

硃砂

川芎

當歸

牛膝

各二錢半

右細末先以甘草湯漱口後用藥少許傅之以常用少

許擦牙齒去風退熱消腫化毒牢固牙齒永無宣疳  
血蛙之病

### 升麻丸

治陽明有熱攻注牙齒腫痛脉洪大而實宜以

細辛 升麻 防己 羌活 肉加牽牛大黃瀉  
之加減丸數

右並等分為末煉蜜丸梧桐子大每服二丸臨卧溫  
水下

白牙齒藥

零陵香

白芷

青鹽

等分

沙鍋

別研

升麻

半兩

石膏

別研一兩

細辛

二錢

麝香

另研半錢

右除內砂鍋石膏麝香外細末入此五味同調勻早辰夜間用藥擦牙溫水漱

又方升麻散

細辛

六錢

川芎

二兩

升麻

一兩

藁本

一兩

石膏

一兩

皂莢

一兩

白芷

一兩

右每用藥少許刷牙溫水漱用沙羅三次

三聖散 治齒斷腫痛動搖

甘葫蘆子

四兩

牛膝

二兩

右細末每用五錢七水一盞半煎至一盞去滓稍熱  
漱多時吐之嘔噦不妨食後臨睡

治齒根宣露動搖方

柳枝 防風 杏仁 青鹽 地骨皮

細辛 生地黃

各一兩

蔓荊子

半兩

右為細末藥一錢酒水各一盞煎至一盞去滓熱嗽

冷吐

治牙齒脫落不牢方

熟銅末

二兩

當歸

一分

防風

一分

地骨皮

三分

細辛根

一分

右為末將當歸末和銅末研如泥粉封齒日夜名二度三五日牢一月內忌硬物

簡要方治牙齒腫痛

白礬

一兩  
枯

露蜂房

一兩  
微炒

右為末每用二錢水一盞煎十餘沸熱渌牙齒痛處  
冷吐之

二十八宿散治遠年近日發牙痛

丁香 草撥 大椒 蝎稍

右七箇同碾為細末痛處用津點擦立止

草撥散治風蛀牙疼牙關緊急



草撥 草烏頭 細辛 升麻 良薑 蝎稍

右為細末如牙疼時擦少許瀝涎痛即止

擦牙藥

川芎 細辛 訶子 五倍子 百藥煎

各二錢半

膽礬

半錢

綠礬

半兩

麝香

如無以甘松代之

右為細末再入膽礬麝香研勻為度每用一字臨卧

刷之

立效治牙疼

小椒 露蜂房 青鹽

各等分

右為細末煎數沸放溫漱之痛即止

益神散 一法加青黛棗核栗蓬熏灰同末刷牙

五倍子

半兩

訶子

三箇去核

石榴皮

三錢半

膽礬

錢半別研為末

零陵香

一錢

白芷

一錢

麝香

綠礬

半兩炒乾一半生用一半

食療去皂角

兩錢

加鹽

半兩

右同炒令赤細碾夜夜用擦牙齒一月後有動者齒及血璽並差其牙堅牢

反老還童丹

青鹽

六分

升麻

一兩

羌活

一兩

當歸

半兩

五倍子

一兩

川芎

半兩

熟地黃

一兩

猪牙皂

一兩

右用礬子一箇隨藥多少用自己退髮少許蓋藥面用瓦子蓋之鹽泥固濟文武火煨香熟氣絕為度冷取熟研為末每日早晨及晚擦牙久而見效

病源曰手陽明之支脉入於齒齒是骨之所絡髓之所養若風冷寒入於經絡傷骨冷氣入齒根則齒痛

海藏云此骨與大腸俱熱大便秘經絡壅治而齒斷痛者治法不同也凡齒痛藥並見外臺秘要

古今巴豆例

本草云味辛溫主溫熱寒有毒可以通寒可以開胃可以磨堅可以止瀉又可以備急而隨腸或佐以寒或佐以熱加以五色各隨其藏具見於後以其此藥多治腸胃手足陽明之經也故入三陽拾遺例金匱玉函要畧傷寒論并雜療諸方皆張仲景祖神農法伊

尹體箕子而作也唐宋以來如孫思邈葛稚川朱奉議王朝奉輩其餘名醫雖多皆不出仲景書也

仲景備急丸

治卒暴百病中惡客忤治口禁停尸卒死

巴豆 大黃 乾薑

各等分

右蜜丸杵千下丸如小豆大每服三丸苦酒下如幹口不開折齒灌之三物司空裴秀亦作散用治心腹諸疾與上同巴豆即斬關奪門之將散不及丸必用

散者其急也

三物須精新好者細末蜜丸和搗千杵丸如小豆大  
胃滿卒痛如錐刀刺氣口急禁停尸卒死以煖水苦  
酒服之若不下捧頭幹開灌令下咽須臾差未和更  
與三九當便腸鳴轉即時吐下得愈若口禁不開折  
齒灌之藥下即生

景白散

桔梗

貝母

各一字  
半末之

巴豆

熬研  
半字

右巴豆入散內碾勻服強人半錢七弱人少減病在  
上必吐病在下必利不利進熟粥一杯不止進冷粥  
一杯若汗出已腹痛與芍藥三錢如上方

仲景飛尸走馬湯方

巴豆

二枚去  
皮心

杏仁

二枚去  
皮尖

右二味綿纏槌令極細投熱湯二合指捻取白汁便  
飲之食頃當下量大小老幼虛實加減服之通鬼擊  
病忌野猪肉蘆笋張文仲同

黑神丸治心腹諸疾

巴豆二錢

鹽頭四兩

右為細末滴水丸桐子大麥炒香水上浮不用麥酒  
吞二九

狀元丸 一名酒癰丸

神麴炒

葛根各半兩

半夏一兩洗

雄黃二錢

巴豆五十箇 白麵一兩

右六味滴水丸桐子大麥炒香水上浮不用麥酒下



十二丸

酒癰丸

巴豆

十五箇

雄黃

六塊皇角子大

蝎稍

十五箇

白麵

五兩

右為細末水丸豌豆大稍乾

神應丸

大治心腹脹滿宿食不消飲食所傷不喜飲食諸藥不效

巴豆

一百一十粒

麵

一斤炒盡油

右連麵一處為細末醋糊丸菜豆大冷水下二十丸食遠

青娥丸 此後並巴豆杏仁例

一法加 青黛

一錢五分

巴豆

一錢五分

白礬

半兩

右蒸餅丸菜豆大每服二丸甘草湯下食後

紅粉丸

一法加胭脂治婦人血不通 一法加硃砂

解毒雄黃丸

治纏喉風急喉閉卒倒失音不語不省人事

一法加

雄黃

分一

鬱金

巴豆

十四筒

玉霜丸

一法加

輕粉

滑石

一法加白礬

活人黑神丸

一法加

鹽豉

五靈脂

治濕痰食積

錢氏紫霜丸

一法加

代赭石

赤石脂

法加大黃

治熱結

一法加 附子 烏頭

治寒結

感應丸

生治修製並見本見

丁香

錢一

木香

錢一

肉苳蔻

錢三

乾薑

兩半

巴豆

半兩製

杏仁

半兩製

百草霜

蠟

二兩醋煮

神應丸

治冷飲注泄者立止海藏所改法也

許學士云此方得之王景長之家近世名醫多用即知此方乃古方也惟此為真局方高殿前家亦非也本方雖云秘者能下泄者能止用之少效子反覆本

草味藥證但言巴豆得大者良予故法為神應丸

木香

錢一

丁香

別研

乾薑

炮半兩

百草霜

研細半兩

四味藥末和勻

杏仁

半兩

蠟

二兩醋煮垢先備下

巴豆

半兩炒去油盡微存性

右同碾為泥上四味和勻重羅細入泥中溶化蠟入

小油半兩勻同入泥與細末中研勻及數百迴後至

凝可搓作挺蠟紙封聚每挺可重一錢

局方感應丸

治虛中積冷氣弱有傷停積胃脘不能傳化或因氣  
冷因肌飽食飲酒過多心下堅滿兩脇脹痛心腹大  
疼霍亂吐瀉大便秘結併後重遲澁久利赤白膿血相  
雜米穀不消除而復發又治中脘嘔吐痰逆惡心喜  
睡頭旋胸膈痞悶四肢倦怠不欲飲食又治妊娠傷  
寒新產有傷若久有積寒吃熱藥不效者並悉治之  
又治久病形羸荏苒歲月漸致虛弱面黃肌瘦飲食  
或進或退大便或秘或泄不拘久新積冷並悉治之

大病不過三服便見痊愈此藥溫無毒並不燥熱不損胃氣亦不吐瀉止是磨化積聚消遂溫冷療飲食所傷快三焦滯氣

新揀丁香

一兩五錢

南木香

去蘆一兩五錢

川乾薑

一兩

肉苳蔻

去皮仁子滑皮二十箇

巴豆

七十箇去皮心出盡油細研

杏仁

揀肥者去灰土一百四十箇去尖湯浸一宿去皮別研極耀如膏

百草霜

用庄家鍋底底亂者細研二兩

右七味除巴豆粉百草霜杏仁三味餘四味搗為細

末與前三味同拌研令細用好蠟匱和先將蠟六兩  
鎔化作汁以重綿濾去滓更以好酒一升於銀石器  
內煮蠟鎔滾數沸傾酒冷其蠟自浮於上取蠟秤用  
凡春夏修合清油一兩於銚內熬令末散香熟次下  
酒煮蠟四兩同化作汁就鍋內乘熱拌和前項藥末  
秋冬修合用清油一兩半同煎煮熟作汁和匱藥末  
同劑分作小錠子以油單紙裹之旋丸如茱豆大每  
服三五粒量虛實加減溫水吞下不拘時候常服進



飲食消酒毒令人不中酒又治小兒脾胃虛弱累有傷滯糞白鮓臭下利水穀每服五粒黍米大乾薑湯下不拘時候前項疾證連綿月日用熱藥攻取轉並不成效者不拘老幼虔心服餌立有神效

簡易感應丸

修合治療之法並見局方

丁香 木香 杏仁 豆蔻 乾薑 巴豆

百草霜

各等分

右用見成丸子半兩入巴豆十枚去殼爛碾成膏用

烏梅三箇蒸過取肉三件一處別碾令極勻丸如菜  
豆大令人徃徃見巴豆不去油不敢輒服况尊貴之  
既有聲色之奉於心有怯尤不肯用但巴豆之性怪  
以溫煖之劑止能去花莖不動藏氣有飲則行無飲  
則利若病形體雖不甚壯實既有飲氣積氣之患與  
夫邪氣入腹大便必秘若非挨動何由得去猶豫不  
決則病勢攻攪愈見羸乏莫若於病始萌之時對證  
用之流利之後或大腑不調則以石菖蒲解之自然

平治却於咬咀方中選藥調理治心腹疼痛不可忍服十九薑湯下若未通再服以利為期服藥之後痛或愈甚既以流利痛或未除仍陰陽攪亂藏之未平且甚痛甚者至於厥逆或面青口禁當先以蘇合香丸灌之欠投此藥治惡心嘔逆全不納食此藥微微利通方服溫脾之藥治赤白痢病心腹疼痛先以此藥微利次方斷下兼治男子瘕癖疝氣膀胱奔豚腎氣脚氣攻刺入腹亦用此藥微微利之酒利痰飲為

患婦人血氣並宜服

五脂丸 名通膈丸

五靈脂

一兩  
淨

青皮

取末  
半兩

巴豆

十餘  
粒

右為細末水調搗成丸大人菜豆大三丸溫水下食  
後臨卧小兒米粒大一二丸量虛實至三五丸若合  
得經年陳久愈佳中有痰涎相混不能施化亦加至  
七丸傷寒當下用承氣等湯不能下者可前承氣湯  
一服此丸三五丸或五七定即可使也

木香五靈脂丸

木香

二錢

丁香

二錢

肉苳蔻

半兩

三棱

青皮

陳皮

各半兩

牽牛

半兩

五靈脂

五錢

巴豆

四箇去皮油

右為細末醋糊丸菜豆大每服十五丸至二十丸溫水下治胸脇痞悶氣不順心腹疼痛酒食所傷等證三倍丸

黃蘗

三兩

蛤粉

三兩

巴豆

去皮膜油一兩

右將藥為末入粉勻再入豆霜滴水丸桐子大每服

二三丸水下

解毒丸

雄黃

一分

鬱金

一分

巴豆

去皮油  
七箇

右為細末醋糊丸菴豆大熱茶清下七丸吐出頑涎  
立便蘇省未吐再服如至死者心頭尤熱口禁藥不  
下即以鐵單匙幹開或折齒灌之藥下咽喉無有不  
活微吐泄不妨及上膈壅熱痰涎不利咽喉腫滿目  
赤腫一切熱毒並宜服之小兒喉腫痛驚熱痰涎

壅塞服二九或三九量太小加減

軟紅丸

治婦人心痛

杏仁

二十筒

巴豆

四筒和皮用

乾胭脂

十筒

右滴水丸菉豆大每服三九生薑湯下

比金丸

治小兒驚風體熱喘粗涎嗽心忪頰赤大小便不利

夜卧不安

輕粉

半兩

滑石

半兩

南星

二錢

巴豆

二十三筒去油取用

青黛二錢

右細末糊丸麻子大每服一歲兒一九薄荷湯下如急驚風頭熱足冷口噤面青筋脉抽掣膈中頑涎甚者加一二丸煎桃附湯下蘊毒熱毒涎出立便安愈小兒瘡疥後餘毒宜服此藥解之食後

青娥丸治喘嗽上熱

巴豆 青黛俱二錢半

白礬半錢

右細末蒸餅丸菴豆大每服二九甘草湯下食後



柔金丸

治酒積

雄黃

杏仁

巴豆

各等分

右細末寒食麵丸菜豆大乾糖炒令黃色

導氣丸

治內傷積聚  
痰飲等證

大黃

一兩

甘草

一兩

皂角

去皮核  
一兩

巴豆

去皮  
一兩

右以咀醋糊丸作餅子以穰草蓋如造麵法俟色上  
有黃衣為度乘風日乾亦得別入

丁香

木香

縮砂仁

三錢

與上同為細末醋糊丸黍米大每服二三丸白湯下  
加至四五丸米湯下食後病大者七丸去黃衣中山  
陳之綱南頓傳得此方

安中丸

棗

十枚  
去核

杏仁

十五箇

白礬

巴豆

三十箇  
和皮用

右用蒸餅剉四兩內藥味味各和勻與棗和餅剉裏  
慢火燒黃熟去皮一處搗成膏子如蘿蔔子大每服  
五七丸白湯下食後

透羅丹

治胃隔痞悶酒食所傷并咳嗽等證

半夏

一兩

皂角

二兩去皮弦子

杏仁

六十箇

巴豆

六十箇

右四味用麩五升同炒令黃色為度去麩不用為細末入寒食麵二兩炒黃色醋煮糊丸如菉豆大每服二丸生薑湯下食遠臨卧

黃帝問曰婦人重身之毒何也岐伯曰有故無損亦無損也帝曰請問其故何謂也大積聚其可犯也哀其大半及太過者死哀其大半不足以害生故止其藥

若過則毒氣內餘則敗損中和故過積聚潔古老人  
治積別有法少壯人無積虛人則有之脾胃怯弱氣  
血兩衰四時有感皆能成積若遽以磨堅破結之藥  
治之疾似去而人已衰矣乾漆礞砂三稜牽牛大黃  
之類藥之暫快藥過則依然氣愈消疾愈大竟何益  
哉故善治者當先補虛氣血壯積自消如滿座君子縱  
有一小人自然無容地而出矣不問何藏先調其中  
使能飲食是其本也

溫白丸

治心腹積聚久壅癖塊大如桎梏黃疸宿食朝起嘔  
吐滿上氣時時腹脹心下堅結上來搶心傍及兩脅  
十腫水病八種痞塞翻胃吐逆飲食噎塞五種淋疾  
九種心痛積年食不消化成瘡疾連年不差及療一  
切諸風身體頑痺不知痛痒或半身不遂或眉髮墮  
落及療七十二種風三十六種遁尸疰忤及癩癰或  
婦人諸疾斷續不生治下淋瀝五邪失心憂愁思慮

意不樂飲食無味月水不調及腹中一切諸疾有似  
懷孕連年累月羸瘦困弊或歌如鬼所使但服此藥  
無不除愈

川烏

去皮臍炮  
二兩半

紫苑

去苗葉  
及土

菖蒲

去鬚九  
節者佳

柴胡

洗淨去  
蘆頭

厚朴

去粗皮  
生薑製

桔梗

去黑皮  
蘆頭

吳茱萸

用湯洗  
七次焙

皂莢

去弦  
子炒

茯苓

用沉水  
者去皮

乾薑

炮

黃連

去毛

人參

去蘆  
頭

巴豆

去油心膜  
出油研炒

桂

去粗  
皮

蜀椒

去目炒  
各半兩

右為細末入巴豆令勻煉蜜丸桐子大每服三丸生薑湯下食後臨卧服漸加至五六丸

易老治五積

肺息貴 人參 紫苑 心伏梁 菖蒲

黃連 桃仁 脾痞氣 溫白丸加

吳茱萸 乾薑 肝肥氣 柴胡 川芎

腎奔豚 丁香 茯苓 遠志

治伏梁氣在心下結聚不散用桃奴三兩為末空心

溫酒下桃奴是實著樹不落實中者正月採樹上乾桃是也

### 萬病感應丸

主治修製并見本方後有全註於上溫白丸內加

羌活

兩半

三棱

兩半

甘遂

兩半

杏仁

兩半

防風

兩半

葳靈仙

一兩

加上六味却減蜀椒

### 萬病紫苑丸全註

此藥療治久患疹癖如梳大及諸黃病每地氣起時



上氣衝心遶臍絞痛一切蟲咬十種蟲病及胃冷吐  
食嘔逆惡心飲食不消天行時病婦人多年月水不  
通或腹如懷孕多血天陰即發又治二十種風頑痺  
不知年歲晝夜不安夢與鬼交頭多白屑或哭或笑  
如鬼魅所著腹中生瘡服之皆效

紫苑

土苗  
土

吳茱萸

湯洗數  
火焙乾

厚朴

薑汁製  
一兩半

菖蒲

去毛  
九節

柴胡

去  
苗

桔梗

去黑皮  
蘆炒

茯苓

去  
皮

皂莢

去皮  
炙

桂枝

乾薑

炮

黃連

去毛  
八錢

蜀椒

去目及閉口者微炒

巴豆

去皮膜出油研

人參

去蘆各半兩

川烏

炮去皮半兩加三錢

加羌活

獨活

防風

等分

右為細末入巴豆勻煉蜜丸如桐子大每服三丸漸加至五七丸生薑湯送下食後臨卧初有孕者不宜服具引於後 有楊駙馬患風氣衝心飲食吐逆徧身枯瘦日服五九至七九服至二十日瀉出肉塊蝦蟆五六枚白膿二升 又趙侍郎先食後吐目無所見耳無所聞服至五十日瀉出青蛇五七條長四寸

許惡膿三升愈 王氏患大風疾眉髮墮落掌内生

瘡服之半月瀉出癩蟲二升似馬尾長寸許後愈

李靈惠肥氣服五九經一月瀉出肉贅三枚 如黃

門卒中風病發時服藥瀉出惡膿四升赤黃水一升

肉蟲亂髮相似愈 李知府妻楊氏帶下病七年月

崩不止骨痠着牀日服五九至十九十五九取下膿

血五升黃水一升肉塊如雞子大愈 此藥治一切

風患萬病如神惟初有孕者不宜服之

痔痛腸風酒下

赤白痢訶子湯下

膿血痢米飲下

墮傷血悶四肢不收酒下

蛔蟲絞心檳榔湯下

氣噎憂噎荷葉湯下

一切風升麻湯下

寸白蟲檳榔湯下

霍亂乾薑湯下

咳嗽杏仁湯下

腰腎痛豆淋湯下

陰毒傷寒溫酒下

吐逆生薑湯下

食飲氣塊麵湯下

時氣井花水下

脾風陳皮湯下

頭痛及心下痛酒下

大小便不通燈草湯下

因物所傷本物湯下

吐水梨湯下

氣病乾薑湯下

小兒天風吊搐防已湯下

小兒乳食傷白湯下

小兒疳病葱白湯下

月信不通煎紅花酒下

婦人腹痛川芎湯下

懷孕半年後胎漏艾湯下

有子氣衝心酒下

產暈痛溫酒下

血氣痛當歸酒下

產後心腹脹滿豆淋湯下

難產益智湯下

產後血痢當歸湯下豆淋湯下

赤白帶下酒煎艾湯下

解內外傷寒粥飲湯下

室女血脈不通酒下

子死葵子湯下

又治小兒驚癇大人癲狂一切風及無孕婦人身上  
頑麻狀如蟲行四肢俱腫呻吟走痛等疾

耆婆萬應丸



牛黃 麝香

俱研

犀角

鎊

硃砂

飛研

雄黃

研

黃連

去毛

大戟

剉炒

芫花

醋炒

人參

去蘆

茯苓

去皮

乾薑

炮

肉桂

去皮

當歸

去蘆

芎藭

芍藥

甘遂

黃芩

細辛

巴豆

去皮

桔梗

去蘆

前胡

去蘆

紫苑

蒲黃

微炒

防風

去蘆

葶藶

炒

川椒

去目

微炒

桑皮

剉油

炒

蜈蚣

去頭

足炒

禹餘糧

醋浸

水

芫青

三十八枚

糯米同

炒

黃色

去頭足

石蜥蜴

去頭

尾

足

炙四寸

右為細末入研藥勻煉蜜丸如小豆大療七種癰塊  
五種癩病十種注忤七種飛尸十二種蟲毒五種黃  
病十二種瘡病十種水病八種大風十二種痺風并  
大頭目暗漠漠及上氣嗽喉中如水雞聲不得卧飲  
食不作肌膚五臟滯氣積聚不消壅閉不通心腹脹  
滿連及胃背鼓脹氣堅結流入四肢或腹脹心膈氣  
滿無時舉發十年二十年不瘥五種不利并虵蟲寸  
白蟲諸蟲上下冷熱久積痰飲令人多眠睡消瘦無

力陰入骨髓便成滯疾身體氣腫飲食嘔逆腰脚酸疼四肢沉重不能久行立婦人因產冷入子藏藏中不淨或閉塞不通胞中瘀血冷白帶流出不盡時時疼痛為患或由此斷產并小兒赤白下利及狐臭耳聾鼻塞等病服此藥以三丸為一劑服藥不過三劑萬病悉除說無窮盡故稱萬病丸若一歲以下小兒有疾者令乳母服兩小豆大亦以吐以利為度有近病及卒病皆用多積久病少服常服微瀉利為度

卒病欲死服三丸取即瘥 五注鬼刺客忤服二丸  
男女邪病歌哭腹大如妊身服二丸日三夜一聞食  
服之 蠱毒吐血腹痛如刺服二丸若不瘥更服諸  
有痰服三丸冷癖服三丸日三服皆間服常令微溏  
利 宿食不消服二丸取利 癥瘕積聚二丸日三  
服 拘急腹脹滿心痛服三丸 上氣嘔逆胃滿不  
得眠服二丸不瘥再服大利腹二丸服日三服 疳  
溫服二丸以一丸如杏仁大和鮓泔二合灌下部中

水病服三九日再服間食服之差即止人弱陽日  
服頭痛惡寒服二九覆取汗傷寒天行服二九日  
三間食服之小便不通服二九不瘥明日更服  
大便秘不通服三九又內一九下部中即通耳聾聾  
耳以綿裹如棗核塞之鼻衄服二九癰疽丁瘡  
破腫服一九如麻子大日傳之根亦自出犯丁瘡血出以  
猪脂和塗有孔則內孔中瘥癰瘡鮮泔洗訖取藥  
和猪脂塗之漏瘡有孔以一九內孔中和猪脂傳

之痔瘡塗綿筋上內孔中日別易瘡癰癰以豬脂和塗  
瘡癰瘡以布揩令汗出以鮓汁和塗 易瘡 胸背

腰脇腫以醋和傅腫上日一易又服二丸 諸冷瘡積年

不瘡以鮓泔和塗之惡刺以一丸內瘡孔中即瘡 蝮蛇

螫以少許內螫處若毒入腹心煩欲絕者服三丸蝎螫以

少許塗之蜜螫以少許傅之 婦人諸疾胞衣不下服二

丸 小兒驚疳服一丸如米許又以塗乳令啞之看兒大

小量與服之 小兒客忤一丸如米大和塗乳頭與啞之

以意量之

小兒乳不消心腹脹滿一丸如米許塗乳頭

令啞取瘰

瘰疾初發前服一丸未差更服

小麝香丸

治鬼瘰飛尸厲疾

麝香

三分

雄黃

別研

當歸

焙

丹砂

別研各四兩

桂心

芍藥

細心

各五錢

莽草

炙

犀角

屑

梔子

各三錢

巴豆

五十箇去皮心生用

附子

炮去皮臍

烏頭

炮去皮臍各五枚重半兩

蜈蚣

一條去頭足炒

右為細末和勻蜜丸搗至千杵如菴豆大或小豆大

每服二九日服漸加至四九五丸

神保丸

上治修製  
並見局方

治膀胱氣上至兩脇心腹疼痛一投而效

巴豆 胡椒 蝎稍 木香

右末硃砂為衣有人病項筋痛醫作風治不效久又  
注兩脅甚苦合一投而瘥

已上例中諸藥凡用巴豆新者峻利力大陳者緩慢丸  
小欲急治者宜新欲緩治者宜陳或有用新者云藥



經年愈亦待陳之意也



醫壘元戎卷六